

四庫全書

史部

欽定四庫全書

硃批諭旨卷一百九

硃批蔡良奏摺

雍正五年二月二十七日福州將軍臣蔡良謹

奏為恭謝

天恩事竊臣賦質庸愚從無寸長足錄荷蒙

皇上洪恩補授漢中副將屢次超擢至福州將軍隨於

雍正四年十月二十八日到京

陞見蒙

皇上格外寵榮

恩施稠疊

臣

即捐糜頂踵何能仰報涓埃除臣到任日

期已恭疏

題報外

臣

自蒞任以來日對屬員兵丁人等必委曲

開導詳加勸勉教以各務職業恪遵規矩勵勤儉
之風知上下之分臣敬記

皇上聖訓期於寬嚴相濟不敢稍存偏見務潔已奉公

使人心風俗日趨端整冀不負

皇上簡畀深恩教誨至意為此具摺恭謝

天恩伏乞

皇上睿鑒謹

奏

好竭力勉為之閱爾錄來朕之訓旨不甚詳備猶可原
恕但語句太覺鄙俚粗俗可將此諭稍加文飾繕寫呈
覽

同日又

奏為奏

聞事竊閩省駐防習氣不好屢蒙

皇上諭令臣正人心改風俗臣跪聆之下仰見

皇上明並日月無微不照臣敢不悉心竭力究其根由

絕其弊端查閩省四旗披甲人等臣現在訓練凡

演習鎗箭務令精熟不使生疎凡行走差使令習

勤勞不許怠惰其度日不能節省行事不合規矩

并彼此護庇交相徇隱者臣必盡力漸次整頓更有兵丁之弟男子姪雖係壯丁尚未披甲遊手好閒遇事生風將無作有以訛傳訛向因伊等自以為身係閒散之人無人約束而為官長者亦因伊等尚未披甲漫不稽查此平日因循懈弛之所致臣向任叅領知之頗詳此項之人更須加意整頓今飭令各旗協叅領防禦驍騎校等官將伊各旗壯丁內除力可營生者任其自贍仍不時嚴加查

察其餘皆令官員帶領習學弓箭烏鎗稽查其出入行走之處臣亦時加看視教訓其有技藝嫻熟平日又毫無過犯之人遇有甲出即令選擇頂補倘有不肖習學而又為非者雖伊本家甲出亦不准其頂補仍責成其父兄親族人等交相勸勉令其悔改伊等俱係駐防年久之人非披甲不能養贍今既開以上進之路又示以不能得甲之勢如此則知法者自必更加勉勵即向來遊手無藉亦

漸知法度不敢為非矣為此繕摺具

奏伏乞

皇上睿鑒施行謹

奏

此奏甚屬可嘉未料爾能如是留心整頓旗習出於朕之望外殊為欣悅之至但務行與言符實力為之加勉勿懈

同日又

奏為奏

聞事竊

臣

陛辭之日面奉

諭旨駐防兵丁均係旗人竟有與漢人聯姻者爾莅任後此事當加嚴禁欽此

臣

於到任後即令四旗該管

官將伊各旗兵壯家口細數姓名伊等本身娶何人之女為妻共有幾子子娶何人之女共有幾女女嫁何人之子及其父兄伯叔子姪之子女及奴

僕之子女嫁娶何人不許遺漏一人逐一開造清冊前來臣復詳加看視查得此地四旗馬步兵丁并另戶壯丁暨戶下壯丁共一萬二千六百餘名

未必

此內兵壯娶民人之女以及營兵之女為妻者共

二百一十四名將女聘與營兵為妻者二名餘皆

四旗互相嫁娶臣現在嚴行查禁此後總不許與

漢人聯姻只許四旗互相嫁娶仍令各旗將有子

而未定妻室者有女而未許聘與人者俟將來一

有聘定在未行嫁娶之前俱先行報明查過入冊
以駐臣仍不時查察旗下駐劄之地不大人戶不多
常時訓諭管旗都統等旗下諸務非人力所難施之事
耳目所不及之地總不肯實力為之可奈何
口數目并嚴禁緣由繕摺具

奏伏乞

皇上睿鑒施行謹

奏

覽

雍正五年九月十三日福州將軍臣蔡良謹

奏為奏

聞事竊臣蒙

皇上洪恩畀以將軍重任海疆要地時切悚惶惟有凜遵

聖訓敬謹黽勉不敢一刻少懈所屬各員每次進見必諄諄告以凡教管兵丁當以身先之一切稽查操演之處莫謂我已親往便可掩飾耳目必須實心

考驗詳察所管之兵平日行事如何當差如何以及射箭打鎗之生熟演習上緊與否好者獎勵不好者勤加訓練若再不好回明斥革臣每於操演之地必逐人指名詳問各該管官令其逐一詳說如所說與臣所知者不合或所說不甚切實詳細者即係未經用心當即嚴加申飭臣將來總以各員教管兵丁之實與不實稽查之嚴與不嚴為各屬員之賢否其各兵丁之射箭打鎗當差行走臣

俱時時嚴密查管不令偷惰放縱至駐防兵丁無
事之時向民間地方走動往來最為惡習臣除竭
力嚴加管束外每日令每旗派出官二員分城之
內外日逐巡查其四旗協叅領等官每半月一輪
派令總查倘有兵壯人等在外間遊生事即令帶
至臣衙門懲治又旗下兵丁於城守缺班之處見
地方各官以為不係管伊之人或彼此交頭舉手
相語或故意站立不正傲慢無禮者臣俱諄切教

導嚴加禁約使知官兵各有等分近來陋習頗改
所有各情由臣謹具摺

奏明伏乞

皇上睿鑒施行謹

奏

覽管教兵丁諸條約朕更有何諭處只要言行相符日
久不忘勉之勉之

雍正六年三月十六日福州將軍臣蔡良謹

奏為敬遵

聖訓恭繳

硃批諭旨事竊

臣

於雍正五年九月內將

臣

飭令各屬

員實心教管兵丁各情由具摺

奏明欽奉

皇上硃批

臣

跪讀

聖諭蒙

皇上諄諄誠勉至備至周凡

臣

職所當行

臣

力所能行

者事事悉心辦理斷不敢稍有怠忽茲恭承

訓旨惟有益加砥礪不敢纖毫粉飾言與行違當時時

敬奉言行相符之

天語以期報答

隆恩於萬一耳所有奉到

硃批奏摺理合恭繳謹

奏

能遵諭奉行甚好勉之近聞石禮哈與楊文乾不睦文

武大吏乖異殊於地方無益朕欲調爾廣東將軍如接
旨後即行赴粵到彼當愈加黽勉莫移今日之志

雍正六年四月十一日福州將軍

臣蔡良謹

奏為奏

聞事竊照閩省駐防習氣不好久在

聖明洞鑒之中臣自抵任迄今凡有關係風俗人心之

事無不時刻留心體察期於實力挽回悉心整頓

一載以來畧有成效猶恐庸愚之輩經臣嚴飭之

下貌是心違每於衆人之前必時時痛加切責務使其滌慮洗心內外如一至於節儉之風所以省財亦以惜福臣每於操演地方必諄切曉諭務敦節儉禁尚紛華近來奢靡習氣亦漸次歛息再如賭博酗酒之犯尤為不法臣先經飭令四旗該管官嚴行申飭復令時勤查察嚴加約束更恐日久懈弛又每旗派撥官一員小撥什庫數名各按其所管之兵壯每日輪流挨戶稽查又總委協領一

員專司其事

臣

仍不時密行訪察如有失於稽查

或徇私容隱

經臣

訪出將本犯照例分別治罪外

官則以失察糾叅容隱之小撥什庫一體連坐至
臣標兩營之弁目亦照此法行之在奉行者既畏
代他人受過則稽查自不敢懈怠而不肖之人亦
不敢妄行生事矣為此繕摺具

奏伏乞

皇上睿鑒謹

奏

嘉悅覽之即照所奏實力整飭開導毋得始勤終怠凡
關風俗人心之事必行之日久方收實效目前勉強遵
依不過因畏法而然豈可為準返澆還淳革薄從厚原
非易事勉為之

雍正六年九月十二日廣州將軍臣蔡良謹
奏為奏

聞事竊臣蒙

聖恩高厚調補粵東於到任之始即向旗營各屬員諄切勸導凡一切教管兵丁分內應辦之事務各竭力秉公以稱職守臣現在將八旗四營兵丁鎗箭挨次輪看尚未周遍其中步伐進退間有未合之處臣當即親加教導將來時勤訓練自可漸次純熟臣查廣州駐防兵壯向來為習俗漸染樂於嬉遊往往不能安分邇來此風稍覺斂戢臣於較閱各旗甲兵當官兵聚集之時必面為曉諭操差務

要精勤使令必聽管約進退合乎規矩上下須別
尊卑俾人人知法紀當遵惡習當改其壯丁人等
俱飭令各官及談管之小撥什庫不時稽查勿令
其出外閒遊使之學習技藝再查廣州五方聚會
且地當濱海最易藏姦臣所屬旗汛地方亦有民
人雜處恐姦宄溷跡其間勾通旗下不肖兵壯容
留窩頓引誘為非先經前任將軍臣石禮哈於旗
營汛地編查保甲實為清查弊源之要但既有民

人雜處則其來歷根源并眷口人數悉應填註更有如鑲黃旗之兵壯住居正黃旗汛地者或係租賃彼旗房屋在住址原難畫一然稽查必須兼到臣愚以為凡有此等錯綜居住之兵壯既照住址編入保甲自應聽其查點而本旗該管人員亦應赴彼稽查不得以本旗之兵壯因住居於別旗之汛地竟置之不查不問之列臣已飭令八旗四營各官將旗營街道所住兵壯民人旗分籍貫戶口

人數備細填註造具清冊不惟按冊得以一目了然而稽查尤易為力矣為此繕摺奏

聞伏乞

皇上睿鑒施行謹

奏

覽奏約束有方訓練有法朕甚為欣悅可嘉之至勉力為之

雍正七年三月初三日廣州將軍

臣蔡良謹

奏為微臣受

恩深重再伸謝悃仰祈

睿鑒事竊臣荷蒙

聖恩由福州將軍調補廣州自揣任鉅才微時懷隕越

乃荷

皇上溫綸獎勵更蒙

格外施恩將臣名下代臣父蔡毓茂應賠銀兩免其賠

補臣何人斯膺茲

寵眷感

皇仁之疊沛思報稱之愈難惟有兢兢業業凜惕冰淵
一刻不敢懈弛一事不敢苟且以仰報

殊恩於萬一其於臣職所當行之事若不殫心實力愈
加奮勉稍存怠弛之念致負

高深則臣此身斷難容於

天地覆載之中矣所有微臣感激愚忱雖先經恭疏奏謝

天恩然臣朝夕思維刻難自己謹再繕摺

奏謝伏乞

皇上睿鑒謹

奏

果能永久不忘今日感戴之誠何職不稱何任不勝但
人心無恒最易變遷或辦理稍有差悞奏報微涉欺隱
奉朕數行嚴諭則今日之感遂即付之流水此乃就常
情而論非為汝而發也但當謹記斯諭時加體察將此
等念慮遏之於未萌殊於身心節義大有裨益

同日又

奏為奏

聞事竊臣自去年八月內到廣任事後謹將誠飭屬員
化導兵丁以及清查旗營兵壯戶口住址各緣由
繕摺具

奏敬蒙

皇上硃批諭旨臣謹遵奉勉行駐防兵壯人等亦俱凜
然聽受惟密訪向來賭風甚熾邇來曾不少息臣

已嚴飭各旗該管官員密加查訪又於八旗派出
小撥什庫四十名臣標四營派出百隊二十名俱
令其值月每月一換責令專管查拏賭博倘小撥
什庫等徇私縱放經臣察出立加懲處如該管官
失於覺察定以束兵無術廢弛溺職

題叅今上下稽察嚴密賭風亦漸覺斂息庶兵壯獲
免花銷浪費而風俗人心亦可以漸次轉移矣再
查廣州駐防八旗報逃甚多臣每於遞報逃牌即

將各旗呈送兵壯戶口冊籍按名查對大半皆係
兵壯戶下所買之民人殊不知此輩民人原無根
底如果善類孰肯輕投旗下無知兵壯只圖所費
身價無幾即可多得人用而此輩犯逃在外一經
為匪則本兵即不免株連貽累此種弊端早蒙

聖明洞鑒

特頒諭旨嚴禁嗣後旗下不許擅買民人欽遵在案今

臣稟遵

聖諭飭令只許八旗兌買其從前所買民人如果安分
守法者准其留用倘有犯逃者即係自回亦必令
其交還原中保領去收回身價仍聽其為民如此
遵

旨奉行逃人自可逐漸稀少矣以上二條臣現在轉飭
實力奉行試之漸有成效謹將緣由具摺

奏明伏乞

皇上睿鑒謹

奏

所奏二條可嘉之至朕欣悅覽之但務期行與言符不可徒託空文勉之再如奢靡之習尤當加意訓誡此為養兵根本之道慎勿稍忽

雍正七年七月初六日廣州將軍

臣蔡良謹

奏為敬遵

聖訓恭繳

硃批諭旨事雍正七年五月十六日齎摺把總回廣捧

到

硃批奏摺二件臣跪讀之下仰承

天語益切悚惶臣謬任封疆時慮未能稱職而愚衷勉
圖報效未敢少萌欺隱之心

君恩高厚感戴難忘惟有敬遵

聖訓務當言行相符殫心實力庶幾謹飭身心勉盡臣
職以期仰答

高深耳至蒙

皇上諭以奢靡之習尤當訓導此誠

聖主敦本厚俗崇儉黜浮之至意臣當益加化導務使
盡去澆漓全歸淳樸不敢慢忽上厘

睿懷也所有奉到

硃批原摺理合恭繳伏乞

皇上睿鑒謹

奏

覽奏已悉就汝現今并已往而論不但盡美竟可謂盡

善矣至於此後則在汝自有以加勉也

廣州將軍

臣

蔡良右翼副都統

臣

安華謹

奏為奏

聞事竊照駐防廣州八旗甲兵蒙

皇上體恤洪慈

特發帑銀二萬兩

命臣等公同存貯營運生息如駐防兵丁家有吉凶之事將生息銀兩酌量賞給以濟其用此誠

聖主格外隆恩臣等欽承

諭旨敢不公平辦理以仰副

聖心茲於本年五月二十五日已經布政司解送庫銀
二萬兩到臣等即委員充收封貯公所臣等隨
將作何營運生息之處欽遵

聖諭公同悉心酌議務期妥協萬全而左翼副都統臣

吳如譯將此二萬兩帑銀欲借給八旗兵丁量取
此議萬不可行況朕有諭不許借給兵丁吳如譯似患
微息即於各兵名下所關錢糧按月扣除以備賞

癩癩

已降旨命其離粵伊將此情由亦曾具摺奏過經

朕切

責批發矣

此項帑銀借給兵丁議以月取一分微息統計一

月收利不過二百金臣等今查得八旗兵丁吉凶

之事只就五六兩月幾及百件即此數計算每月

約有四五十件不等應需賞銀三百餘兩所得息

銀既不敷每月充賞之費又不得不按月扣除再

如兵丁中誠實者借此銀兩以作正務之用猶為

得宜倘有不肖之徒因見公項銀兩借給便易銀

爾等

主

見甚屬公當深合朕意嘉悅覽之

一到手任意花銷只顧目前之浪用不思日後之扣除其中苦累更不可問是此借給兵丁之議實有難以舉行者臣等因公同籌畫營運之計議以借給商民并開張典鋪兩事並行其借給商民之銀可以按月收利俟數月之後生息銀兩彙總成數如遇兵丁家有吉凶之事即可陸續充賞而典鋪營運勢難即取息銀必待一二年後俟其利息轉動方可取給以上二條臣等公同商酌已於奉

年六月二十六日定議其時副都統臣吳如譯亦
同會議續於七月初一日有殷實商民具領借銀
當據協領申文貴等查明確實稟請借給臣蔡良
即令其向兩副都統處回明後允發復於初三日
談協領等回稱奉左翼副都統吩咐云我已具摺
請

旨嗣後凡有借給商民并開張典鋪營運生息之事總
不必回我我亦不與聞其事如允發銀兩爾等呈

吳如譯報文內亦不列我的銜等語臣等既不便因此
逃朕鑒察少待數時自有分曉今乃是瑣瑣奏陳皆
屬信朕不及而然也
旨命臣等三人公同辦理之事又不敢竟自專行為此

繕摺

奏明伏乞

皇上睿鑒施行謹

奏

朕但以吳如譯之奏為非亦不輕許汝等籌畫為盡是

何也朕未親到廣東何可選定準繩總在汝等因地合
宜斟酌妥協而為之還朕是當二字而已

雍正七年九月十一日廣州將軍臣蔡良謹

奏為欽奉

聖諭凜遵

訓勉恭繳

硃批諭旨事竊臣前奏敬遵

聖訓一摺并奏明前蒙

皇上恩賞營運生息濟兵銀兩一摺奉到

硃批跪讀之下仰見

聖明訓示周詳

睿慮無微不至臣現在將營運生息濟兵銀兩會同新

任左翼副都統臣馬士傑右翼副都統臣安華欽

遵

諭旨詳細斟酌妥協公同悉心辦理以仰副

皇上恩恤兵丁之

聖心至臣一介微末疊荷

隆恩不次擢用雖責專任大無寸長足錄而感

恩報

主之心不敢少怠三載以來兩任海疆重地每懼識淺
才庸措施未當幸蒙

皇上頻頒

聖訓臣得敬謹遵循茲復蒙

天語諄詳臣益當奮勉儆惕以圖仰報

高厚於萬一所有奉到

硃批原摺理合恭繳謹

奏

但能堅持此念終始不移時自省察益加黽勉朕有何
可諭耶

同日又

奏為奏

聞事竊查廣東駐防習氣久厘

宸衷臣自上年八月到任之後多方告誡力挽頽靡業
經兩次具摺

奏明均邀

睿鑒至前蒙

訓旨諭以奢靡之習亦當加意訓誡仰見

聖諭精詳實為養兵根本之道所當亟為奉行者也臣

欽遵

諭旨開誠化導立法勸懲伊等亦皆省悟知蕩檢之無

八旗

益於進身而節儉之有濟於用度半載以來竟未

之衆竟無一人復蹈故轍恐未必然

有復蹈故轍者至賭博一事臣接到部咨凜遵

上諭轉飭嚴查如有干犯除將本犯照例擬罪外其失

察之該管各官并小撥什庫以及本犯之族長俱

一體叅處近日賭博已漸稀少再臣每當官兵聚

因欲

衆人聽聞大聲是矣疾呼似可不

集之公所必大聲疾呼委曲開導諭以爾等在外

駐防仰蒙

皇上天恩賞住官房給領餉乾一切衣食用度何莫非

皇上恭養所及近又蒙

皇上格外弘慈體恤爾等如遇家有吉凶之事臨時無
所措辦

特發帑銀營運將生息銀兩賞給以免拮据如此浩蕩
皇恩從古未有當時時感戴念念不忘倘差操怠惰管
約不遵或恣情於賭博遊蕩以及酗酒鬪毆等事
不但身罹

國法實為仰負

君恩至於犯事之後噬臍無及何若於事前時時感戴
宏慈力圖報效自然奉公守法不敢為非臣仰蒙
聖訓悉心整頓今各兵實有感

恩戴德之誠竟無怙終不悛之習而臣化導挽回仍不
敢少遺餘力務使其始終如一共臻一道同風之
治所有臣遵

旨開導并現在兵壯感化緣由理合繕摺奏

聞謹

奏

勉之勉之切戒日久怠生尤不可視目前光景遂謂已
收感化之效也

雍正八年五月二十六日廣州將軍臣蔡良謹

奏為請

旨事竊臣於雍正七年十二月二十六日准兵部咨開
本年十一月初七日奉

旨當日各省設立漢軍駐防因人數不敷是以添設綠

旗兵丁令該將軍管轄今漢軍生齒日繁駐防之餘
丁日漸蕃衍足供差操之用嗣後將軍標下綠旗兵
丁缺出即將漢軍餘丁頂補仍食綠旗糧餉其綠旗
兵丁內有父祖食糧年久者其缺既令漢軍頂補則
伊等子弟不得食糧未免衣食無資著於本省督撫
提鎮標下併同城附近營汛內有開除名糧即將此
等之人充補欽此等因到臣當經轉行旗營一體欽
遵遇有四營糧缺臣等公同考驗於八旗壯丁內

首先驗其材技兼優者頂補次及於家口衆多者
補之仍聽各營將備管轄歸伍差操至該壯丁頂
補營糧之後如有伊父兄所遺甲缺仍將該丁掣
回頂甲另行驗補營糧再查四營馬戰名糧缺出
如即於新補步糧之旗丁內拔補不惟奉行伊始
頂補之數無多且查現在綠旗步戰兵內其人材
壯健弓馬可觀差操勤慎者四營各有其人若不
將此等酌量拔補則人材廢棄甚為可惜臣愚以

為四營馬糧缺出將已經頂補營糧之旗丁同現在綠旗步戰兵丁內挑選材技兼優者一并考驗較其尤者拔之或以之互相間補如此則不獨超羣出衆之人得有上進之階而新食營糧之旗丁與現在綠旗營兵皆益加奮勉爭自濯磨矣為此繕摺請

旨伏乞

皇上睿鑒施行謹

奏

交大學士議政大臣會議具奏

雍正八年十一月二十日廣州將軍臣蔡良謹

奏為年歲豐收地方寧謐恭慰

聖懷事

臣

查得廣州府屬之南海新會從化增城花

縣龍門等處歷據

臣

標分撥貼防員弁節次稟報

各稱遊巡地方雨暘時若收成俱有九分十分米價每石五錢六七分至六錢一二分不等鄉民安

堵盜賊稀聞其餘各府州縣雖非臣標遊巡之地
臣亦不敢膜視時為採訪如廣州府屬番禺等縣
以及韶肇惠潮高雷廉瓊等府收成俱有八九十
分不等如南雄羅定連州所屬收成有九分十分
其各處米價自五錢上下起至六錢一二分止總
計通省年歲均係豐收並無米價昂貴之處又聞
潮州府屬田中生有嘉禾此皆我

皇上敬

天勤民至德感召之所致臣目覩兵民歡欣景象理合繕摺奏

聞伏乞

皇上睿鑒謹

奏

覽奏朕懷深慰當倍加敬慎鎮撫地方果能文武協和兵民輯睦自然永迓

上天之庥應也

雍正九年六月初一日廣州將軍臣蔡良謹

奏為敬奉

聖諭凜遵

訓勉恭繳

硃批諭旨事雍正九年二月初十日臣齎摺把總恭捧
硃批奏摺回廣當即跪迎進署敬讀

諭旨忭悚彌深臣奉職海疆寸長莫效幸際

皇上至治邇隆歲豐時泰粵東連年大稔今歲春夏以

來雨水霑足田禾豐茂故雖青黃不接之際米價
並不加增目今早稻現在收穫新穀將次登場米
價自當更減竊盜頗稀詞訟亦少此皆我

皇上敬勤感召所以太和翔洽嶺海億兆咸登樂利

臣

重荷

殊恩躬逢熙皞惟有恪遵

訓諭敬慎小心俾文武協恭兵民輯睦共矢公忠倍加

黽勉庶冀永迓

天庥於弗替以仰慰

聖主宵旰之殷懷所有奉到

硃批原摺理合恭繳伏乞

皇上睿鑒謹

奏

據奏粵東雨水霑足田禾豐茂以手加額覽之

雍正九年九月十二日廣州將軍臣蔡良謹

奏為恭繳

硃批諭旨事雍正九年八月十八日齋摺把總回廣捧
到

硃批奏摺臣跪迎至署叩頭祇讀訖竊臣受任海疆知
識疎淺惟恪遵

聖訓殫竭愚誠協和文武輯睦兵民以冀仰答
隆恩於萬一欣逢

皇上至德遐孚精誠昭格年豐物阜盜靖民安微臣身
居嶺表目擊情形據實奏

聞蒙

皇上睿鑒

天語煌煌臣捧讀之下曷勝感激懼忭莫能自己惟有
益加警惕時切寅恭以敬迓

天庥仰紓

睿慮所有奉到

硃批奏摺理合恭繳伏乞

皇上睿鑒謹

奏

爾自此任以前無可訾議此任以後操持不改則在汝
有以自勉也

硃批諭旨卷一百九

欽定四庫全書

硃批諭旨卷一百十

硃批吳陞奏摺

雍正二年五月十八日福建陸路提督臣吳陞謹

奏恭請

皇上聖安

朕安聞爾向日居官聲名甚好朕深嘉之爾其加意愛身保養精神多為國家出力數年

同日又

奏為恭謝

天恩事雍正元年十二月十一日臣家人恭捧

御賜貂帽一頂到泉州府臣即郊迎至署望

闕叩頭謝

恩祇領訖伏念臣老邁庸愚諸務不諳我

皇上開天地覆載之恩沛雨露栽培之德曲

賜優容畀任封疆已屬過分復屢荷

天語褒嘉更以貂帽

賜臣輝煌華美頂戴

殊榮不獨臣踴躍鼓舞喜出望外即舉家子孫相率叩
頭瞻仰莫不歡呼感頌

皇仁為此繕摺恭謝

天恩伏乞

皇上睿鑒謹

奏

覽卿奏謝知道了地方上一切事宜或本省或他省凡有所聞所見與吏治民生有益者不拘文武兩途俱當竭誠入告莫負朕信任之意

同日又

奏為恭謝

天恩事雍正二年二月初七日臣齋摺人回恭捧

欽賜御書福字一幅人參四斤克食一匣到泉州府臣

即郊迎至署恭設香案望

闕叩頭謝

恩祇領訖隨敬展奏摺跪讀

殊批臣不禁汗流浹背感激涕零自揣忝任封疆四十餘年虛糜祿俸無為

國家出力之處不行擯斥已屬厚幸何期

聖恩浩蕩獎勵至此慚愧滋甚惶悚無地即捐糜頂踵何能仰酬

高厚惟有益竭駑駘勉供職守以期上報

天恩於萬一為此謹

奏

凡此恩施緣卿數十年來公忠奉職勤慎持已有以致之也朕為天下臣民主從來待人不肯偏私每念所加之恩尚不及卿之勞效勉之

雍正三年正月十八日福建陸路提督臣吳陞謹
奏恭請

皇上聖安

朕躬甚安京都內外寧謐雨暘應時特諭爾知聞爾精神強健朕甚欣悅

同日又

奏為恭謝

天恩事雍正二年十二月十六日漳州總兵官高世定聞高世定在京被隆科多嚇詐銀四千兩爾密行體訪

自京

冀露朕諭如得真情據實奏聞毋絲毫代為隱飾
陛見赴任路由泉州府臣出郊跪請

聖安高世定面傳所奉

諭旨臣跪聆之下當即望

闕叩頭謝

恩又十二月十八日臣齋摺人回敬展

硃批奏摺叨蒙

聖主垂詢數日之間兩荷

年老何妨地方上如高其位及嗣如此大臣便閒坐在

溫旨臣榮幸之深倍加感奮但臣年七十有一氣力日

彼亦可為朕彈壓封疆況都中從前告休將近八旬上

下之老臣朕復起用許多人不免勉之

皇上篤眷宏慈至再至三屢施不倦臣即捐糜頂踵難

酬萬一惟有朝夕焚香頂祝

萬壽無疆少伸銜結之誠耳為此恭謝

天恩謹

奏

覽

雍正三年五月二十六日福建陸路提督臣吳陞
謹

奏為遵

旨回奏事竊臣奉到

硃批命臣密訪高世定在京被隆科多嚇詐銀兩一事

據實奏聞欽此臣自當欽遵密訪以副

醇命至意但臣與高世定素未謀面僅上年到任由泉經過一晤而已二人果有私相授受之事焉肯向

臣微露且事關機密臣又不敢假手他人致滋漏

洩臣實無從探訪理合具摺回

奏伏乞

皇上睿鑒謹

奏

知道了

黃國材向日居官是一巧宦為人所共知近年來輿論不一有言其已遷改者有言其少改者亦有言其外似知懼內實仍然如舊者爾意以為何如據實奏聞不可少隱聞滿你操守較前大改果然否此二人吏才儘有但廉之一字甚不足若此字不能必至事事涉私則百

弊叢生矣如爾者千百中無一也

賜爾平安丸二百丸以備營伍中兵丁需用此藥奇效
且有益無損性味和平無病之人亦可服

雍正三年九月二十日福建陸路提督臣吳陞謹
奏為遵

旨回奏恭謝

天恩事竊督臣覺羅滿保撫臣黃國材從前居官操守

久在

聖明洞鑒之中今蒙

硃批下詢

臣

欽遵訪聞得撫

臣

黃國材操守較前稍好

又聞督臣滿保近來勉勵操守言者異口同聲是皆我

皇上訓誨激勵所致理合據實回

奏至微臣年既老邁質復庸愚調任以來涓埃未效奉職無狀莫甚於臣者乃荷

天語褒嘉臣聞

命自天汗流浹背不惟不敢承受抑且不敢辭謝不知
風世何修邀此

異數惟天生生世世捐糜頂踵以期仰酬

高厚於萬一耳為此繕摺回

奏叩謝

天恩謹

奏

所奏甚公知道了

雍正三年十一月十六日福建陸路提督臣吳陞
謹

奏為奏

聞事雍正三年九月二十六日據漳浦營遊擊李彪報
稱九月二十日酉刻漳浦縣城內有姦徒黃尾一
名在伊家門首忽插榕樹青枝為記時有功加官
蔡隆馬兵黃進巡查地方見其蹤跡可疑將黃尾
拏解送營該遊擊一面帶兵巡邏一面即委守備

會同文員查訊據黃尾供有涂廷向彼聲言今晚有匪類進城搶奪富戶你門首插榕樹青枝即可免搶等語并供出夥犯游躍徐愷寧等隨差兵役拏獲訊據徐愷寧供出林昂為首併供出陳鎮家中藏旗三面鼓二面鑼一面單刀兩把等語隨拏獲陳鎮訊據供出夥犯林穆林惠周招等十犯即會集周招家中又據拏獲林昂一犯訊據供稱伊係行醫度活因林棍家中有廈門逃來流匪吳通

陳罔二名請伊醫治刀傷即商量入夥實係林棍
為首等語又據兵役拏獲林棍等現解漳浦縣收
審等情到臣臣即嚴諭該遊擊會縣立行緝捕務
淨根株併移漳州鎮臣高世定會飭各去後理合
奏

聞再照此案乃棍徒訛言雖聚夥商謀搶劫實未上盜
現今地方安靜且獲到之犯已交有司審訊通詳
其起意實情同夥確數作何分別重懲應聽督撫

二臣定擬請

旨合併聲明伏乞

睿鑒謹

奏

所奏已悉此等匪類雖云尚未上盜其情事已真當嚴
加懲處至蔡隆等當從優獎賞也

雍正四年五月二十日福建陸路提督

臣

吳陞謹

奏為奏

聞事竊照閩省去歲收成歉薄民乏蓋藏今歲自春至夏雨水過多米船鮮至禾苗發晚米價處處騰貴惟福州延津邵武福寧各府州尚有市米可以支持其餘如泉漳興化汀州米價每倉石賣銀二兩五六七八九錢不等臣准據各該鎮協營咨報即飛移撫臣毛文銓設法接濟而撫臣立即檄飭該府縣動撥倉穀發糶仍差員前往溫州買米分濟又檄行臺灣府買運米麥運至泉漳分發並出示

招商給照令往江浙等處販運來閩查各處人民
赴泉州買米者日有萬餘人赴漳州買米者日有
三四萬人今歲早禾茂盛將來豐收正未可定然
應於六月中旬後方得節次登場計期尚早除再
咨撫臣多方接濟外理合將民間米貴情形繕摺
具

奏但米價雖貴百姓俱各安業臣已移飭各鎮協營
嚴加防範務期寧謐合併聲明伏乞

睿鑒謹

奏

爾等封疆大臣見地方上此等光景當及早奏知以便預為準備今已六月將盡始行奏聞於事何益猶幸地方寧謐倘有些小事故咎誰歸耶大負朕之任用矣

雍正四年六月十八日福建陸路提督臣吳陞謹奏為遵

旨回奏事竊臣前奏功加官蔡隆馬兵黃進等獲漳浦

縣城內姦徒黃尾一摺奉有

硃批臣遵查功加官蔡隆馬兵黃進巡查地方緝獲姦徒係營兵分內之事今奉

特旨賞賚實屬

曠典臣欽遵

諭旨捐出俸銀七十兩內蔡隆賞銀四十兩黃進賞銀三十兩發交該營遊擊李彪當官宣揚

聖主德澤分給承領取領狀存案外合將遵行緣由具

摺奏

聞伏乞

睿鑒謹

奏

賞此些須何足鼓勵兵心此事交與高其倬將蔡隆題
請實授黃進超拔千總以示優典即將此摺付高其倬
看

硃批諭旨卷一百十

欽定四庫全書

硃批諭旨卷一百十一

硃批魏經國奏摺

雍正元年三月二十日湖廣提督臣魏經國謹

奏恭請

皇上聖安

朕安聞爾居官聲名甚好向為人所共知惟訓爾莫移
初志加勉加慎而已此外無可多諭

同日又

奏為欽奉

上諭事竊臣一介戎行仰荷

聖祖仁皇帝不次拔擢於康熙六十年

簡授楚提自到任至今時切惴惴夙夜黽勉惟恐有負重

寄更蒙我

皇上逾格優容詳悉開示敬捧

溫綸彌深惶悚臣惟有愈加惕厲始終勤慎以報

聖主知遇之隆決不敢少移初志上違

聖訓之諄諄也至於兩湖地方咸蒙

福庇甚為安靜日來農事方興而雨暘時若豫占大有
之象可以無廛

聖懷所有欽奉

硃批諭旨理合一并進

呈謹

奏

覽奏朕甚慰悅但似此地方情形之奏惟以據實為是切毋以慰安朕念為詞而稍有粉飾也

雍正元年六月初三日湖廣提督

臣魏經國謹

奏為恭謝

天恩事本年五月二十七日

臣

齋摺標弁家人恭捧

皇上恩賜貂皮二張紅玻璃盒一個到常

臣

跪接至署

恭設香案望

闕叩頭謝

恩訖伏念

臣蒙

聖朝養

弘恩迴逾尋常而涓埃未報時切悚惶茲叨

恩賚

寵榮無極

臣

捧對之下歡忭靡涯惟有益竭駑鈍彌增

兢惕勉期無忝職任以仰答

隆恩於萬一耳理合具摺

奏謝伏乞

皇上睿鑒謹

奏

爾既不負

皇考知遇今日豈肯負朕天下之大臣庶之衆受恩者多
似爾如此知恩者頗少極宜勉力堅守初心期為千古
不朽之人

同日又

奏為欽奉

上諭事竊臣卑鄙無識仰蒙

聖祖仁皇帝簡授楚提到任之後即將一應陋規并通省

爾

之行爲朕早洞悉何待今日

爾

自陳奏耶湖廣通省

被

五

六庸夫敗壞賴爾一人幸保無事厥功不小

械勤加操練毋得懈弛

臣

惟有矢公矢慎協和文

武不敢少有瞻徇亦不敢掠人之美市已之能以

蹈欺妄之咎茲捧讀

硃批仰蒙

天語褒嘉

綸音指示臣益當凜遵

聖訓凡事之有關地方者自必知無不言言無不盡以

仰副

聖主殷殷求治之至意所有奉到

諭旨理合恭繳伏查楚省夏秋二季雨暘時若田禾茂

盛倍於往年已兆豐登之慶軍民安堵共樂昇平

合併奏

聞謹

奏

覽雨水禾苗情形大慰朕懷但一切總要據實直陳不可增添絲毫

雍正元年八月二十七日湖廣提督

臣

魏經國謹

奏為欽奉

上諭事竊

臣

於六月內具奏恭謝

恩賜貂皮紅玻璃盒一摺并奏欽奉

上諭呈繳

御批一摺重荷

御筆硃批逾格

寵褒敬繹

溫綸彌加惶悚惟有凜遵

聖諭益矢兢惕不移初志據實無欺以冀無負

聖主期望微臣之至意耳所有奉到

硃批諭旨理合一併

呈繳謹

奏

知道了督臣楊宗仁及二撫臣優劣何如爾其據實直陳不可少存意見

雍正元年十一月初九日湖廣提督臣魏經國謹奏為欽奉

諭旨據實直陳事竊臣欽遵

硃批諭旨查得督臣楊宗仁到楚以來力圖興利除弊整飭地方以答

皇恩但其為人性躁欲速即如鹽價一事若緩為斟酌
或可以減乃不先查其弊而遽欲減其價是以商
人不從淮鹽不至價值騰貴半載以來民皆淡食
漸致隣省私鹽公販不能禁止目下鹽價方得稍
平在督臣之心本欲為民而民情似不甚感激然
其清以持已嚴以率屬勤謹辦事正直居心俱在
聖明洞照之中其餘一應所行事宜尚在未定俟有成
效臣當另摺奏

聞至於兩湖撫臣俱各清正和平無可指議再查楚省
營伍惟督撫三標向欠操演其餘各標協營亦頗
有可觀近聞督臣并兩撫臣亦皆勤為訓練合併
聲明所有奉到

硃批諭旨理合

呈繳伏乞

聖鑒謹

奏

所奏甚屬公直與輿論相符地方治否全在督撫大吏所關甚鉅目下情形雖云如是此後再行審視具奏以聞爾不比他人寧忍欺朕如覺少不妥協與地方百姓有損無益毋存絲毫因循瞻顧之心一切即據實直陳朕自有一番斟酌大槩兩湖吏治較前優劣如何街談巷議人心向背如何果否少有可觀抑或仍然如舊不可稍涉粉飾之詞直據所見所聞隨便具摺密以奏聞

雍正元年十一月十六日湖廣提督

臣

魏經國謹

奏為請

旨事竊

臣

長子魏瓚荷蒙

聖恩特補

臣

標中軍守備

臣

感激難名業經另摺

奏謝但

臣

子魏瓚所補員缺原係守備滕延錫之缺

今

臣

子既已補授該備自應令其赴部改推

臣

查

該備出身難廕年力精壯弓馬嫻熟

臣

莅任二載

有餘見其辦事勤慎諳練營務伏乞

聖主敕部查有湖廣省內守備員缺

恩賜補授非特該備駕輕馭熟即臣亦收指臂之效矣

為此繕摺請

旨伏乞

皇上睿鑒謹

奏

照依魏經國所請將滕延錫留於湖廣遇缺補用該部知道

同日又

奏為據實陳明仰祈

聖鑒事竊查湖廣提督衙門例有親丁步糧八十名緣

臣素甘澹泊眷口不過二十人家人長隨不過三

十人於到任之後除現在家人長隨項食親丁名

糧外其餘因見本標各營廩申旗械礮位等項多

有破損銹壞臣即將此項銀兩重復補製而考較

兵丁內有技藝純熟者加以獎賞亦係此項銀兩

不過以公濟公聊副

聖主安愈求安之至意今盛甲旗械礮位等項俱各整齊可觀自後並無他費謹將所餘親丁名糧照數挑選精壯餘丁頂食補足臣不敢少入私囊以蹈虛冒之咎以負

聖主高厚之

宏恩也理合據實

奏明伏乞

睿鑒謹

奏

爾之奉公盡職處何須於朕前陳奏類此等事酌量當如何行即便舉行諒爾必不肯負朕知遇也

雍正二年正月十九日湖廣提督臣魏經國謹

奏為欽奉

諭旨據實直陳仰祈

睿鑒事竊臣於去年十一月內遵

旨回奏楊宗仁等一摺奉到

硃批臣遵查楚省大吏皆仰體

皇上勵精圖治愛民如子之至意飭輕火耗嚴禁餽送

皆清正自矢至於人情盡皆向化兩省吏治亦較

前謹慎地方漸有可觀但俯察輿論不無議督臣

大抵

清正之人未免自有所恃往往多犯此病

畧少淳厚和平之度耳以臣愚見如督臣者可謂

實心任事竭力整理之大臣諒久在

聖鑒之中臣受

恩最重非尋常可比決不敢絲毫粉飾以蹈欺罔之咎

謹遵

旨據實密為奏

聞伏祈

睿鑒謹

奏

目下雖云如此自茲以往日新不已而止於至善方好
或恐暫因一時鼓舞勉強從事又復因循漸流於下朕
所慮者此也不時留心體訪若有一毫舊習不除望朕

亦如

聖祖之寬容朕實不能少有不法者必即奏聞於朕方見實心效力忠君愛國之誠也據實二字勉為之

雍正二年九月初二日湖廣提督臣魏經國謹奏為欽奉

諭旨據實直陳仰祈

睿鑒事竊臣於本年正月十九日覆奏督臣楊宗仁一摺奉到

殊批臣理應即時具摺奏

聞惟恐冒昧瀆陳有負

天語之諄諄臣獲罪滋甚今數月以來細加留心查楚

聞楊宗仁性氣較前稍好

省總督臣楊宗仁湖北撫臣納齊哈湖南撫臣魏

果然否潔已有餘若與地方吏治無益是乃為己沽

廷珍俱各清正自持協和文武實心任事仰體

名之官非國家得力之臣

聖主宵旰不遑殷殷圖治之至意竊見吏治肅清民生

樂業地方日有起色屬員並無怠玩縱忽不法者

倘有此等人員臣自必凜遵

聖諭據實密奏以仰副

是

聖主委任之至意也再臣標以及各鎮協營將弁兵丁
原好更加上緊勤為訓練自必尤覺可觀
俱各整飭操練不致少有懈弛臣惟有竭誠盡職

以期仰報

聖主高厚之隆恩於萬一合併陳明統祈

睿鑒謹

奏

所奏俱悉

同日又

奏為保舉能員以收實效伏祈

恩允事竊查臣標後營遊擊楊應舉患病乞休員缺臣
驗得常德水師營守備沈天爵人材壯健弓馬嫻
熟實係幹練能員伏懇

天恩以守備沈天爵補授臣標後營遊擊其守備沈天
爵員缺查臣標左營千總石文彪諳練營伍人材
弓馬俱有可觀仰懇

天恩以千總石文彪補授常德水師營守備是二員者
洵屬人地相宜倘蒙

俞允該將備等自必愈加奮勵而臣亦得收臂指之效
矣但臣標後營遊擊并常德水師營守備並非
題補之缺臣為營伍得人起見故敢冒昧

奏請可否

恩允伏候

聖裁謹

奏

照依所請沈天爵補授提標後營遊擊石文彪補授常德水師營守備該部知道

雍正三年正月十九日湖廣提督臣魏經國謹

奏為欽奉

上諭事雍正二年九月二十六日接到兵部劄付內開
准吏部咨稱雍正二年八月十九日欽奉

上諭各省道府同知通判州縣等官內有才幹素著廉

潔自持者著總督保奏三員巡撫保奏二員布政使按察使各保奏一員將軍提督亦屬本省大員將所知者各令保奏一員俱密封進呈等因欽此剴行到

臣仰見我

皇上遴拔賢才之至意臣敢不悉心採訪上應

聖主求賢之盛典臣伏查楚省道府同知通判州縣等官仰體

皇上勵精圖治振作維新三年之內其循謹供職者固

不乏人惟是文武殊途臣但見其貌難察其心僅聞其大槩於目前難定其持躬於日後况知人則哲自古為難臣猥以庸愚不敢冒昧保奏有違聖主垂詢殷殷之至意伏乞

皇上原宥於格外則臣感戴

天恩益當竭盡駑駘於末路矣為此密摺

奏覆統祈

皇上睿鑒謹

奏

爾在楚多年耳目所及豈有一二人不知之理操守一節或不能保其終始弗改止就民情愛戴辦事明敏一邊取擇具摺密奏以聞

雍正三年七月初二日湖廣提督臣魏經國謹奏為年歲豐登人民樂業據實陳奏仰慰

聖懷事竊查楚省二麥業經豐收而所種田禾早稻居多六月內即可收穫今已登場約有八九分收成

間有栽插中晚二禾現在雨水霑足茂盛秀發倍
於往年是以米價甚平兵民樂業而吏治肅清武
備整飭第見熙熙皞皞仰頌

堯天舜日於億萬斯年也為此據實奏

聞伏乞

睿鑒謹

奏

覽奏實慰朕懷此皆爾等文武大臣能安輯兵民感召

天和之所致勉力為之

同日又

奏為恭謝

天恩兼請

陛見敬聆

聖訓事竊臣齋摺家人回常捧到臣恭請

聖安一摺欽奉

硃批朕躬甚安你好麼欽此伏稔

聖躬乾健誠係四海臣民之福臣心實深懼忤獨是臣
何人斯仰蒙

聖主垂詢格外

寵榮感激無地理合具摺

奏謝抑臣更有請者伏念臣受

恩深厚時切冰兢惟恐少有隕越上負

隆恩但臣今年六十六歲精力漸衰知識漸疎肩茲重

任彌深尸素之懼伏乞

聖主准臣

陸見恩賜教訓俾微臣有所遵守得以黽勉末路仰報聖恩於萬一為此繕摺請

旨謹

奏

聖祖陵寢爾尚未經叩謁朕亦欲識爾面今已調爾松江提督矣候趙坤到楚交代明白來京陛見後再赴新任

雍正四年五月初六日江南提督臣魏經國謹

奏為敬陳地方營汛情形仰祈

睿鑒事竊臣今年正月二十八日仰覲

天顏即荷

溫綸兼承

恩賜祇受之下感激難勝隨欽奉

諭旨於二月初九日自京起程至三月初十日到松受

事業經具疏恭謝

天恩在案今臣任事一月有餘竊查上下兩江二麥秀

該管

協營悉飭令實力為之

遣目兵輪流巡緝并飭通省水陸各營一體巡查

毋得懈弛雖不能使匪蹤盡絕庶盜風可以漸息

至於臣標各營各有汛防之責查現在之盔甲旗幟器械俱皆齊備鮮明與臣前任湖廣提標不相

實米價每石九錢至一兩二錢不等雨水調勻兵民樂業但鼠竊狗偷之案較於他省為獨多祇緣財賦之區商旅輻輳加以支河小港易於藏姦晝潛夜出並無居址難以稽查今臣設有巡船二隻

據云江南兵丁不及湖廣若以湖廣兵丁較之陝西則又必不同或係風土所關遂有壯健軟弱之分歟似此
任湖廣提標之目兵大相逕庭矣伏念臣受
風土軟弱省分更須爾等統率大員殫心竭力以鼓舞
聖主高厚之恩無可圖報亦惟有盡心竭力振勵戎行
訓練也不可諉之於地方風土而不思所以變革之術
尤不可因其習尚安閒而濟之以疎懈姑息以邀寬仁
聖主安愈求安之至意并上報
之譽勉為之
皇上委任宏恩於萬一耳為此繕摺奏

聞伏祈

睿鑒謹

奏

知道了

雍正四年七月二十八日江南提督臣魏經國謹
奏為奏懇

天恩事竊臣於今年正月內欽奉

諭旨入京

陛見二月初八日

陛辭仰蒙

恩諭准爾時常來京欽此
准爾類來之諭蓋指二三年而言豈有性逐僕奔馳
道路之理
天顏敬聆

聖訓庶犬馬依戀之心得以稍慰而地方營伍諸事有所遵循伏查上下兩江地方寧謐自夏秋以來雨暘時若田禾秀發豐收有望伏乞

聖主恩允來京臣即輕騎就道與在

廷臣工隨班拜舞共祝

聖壽無疆臣不勝踴躍歡忭之至抑臣更有請者臣於

陛見時仰蒙

前諭朕豈遺忘爾等封疆大員許賜者多而機務繁冗

恩諭賜臣

無閒候朕於暇時書賜耳

御筆扁額伏懇

聖主於萬幾之暇揮灑

宸翰賜進摺弁員齋回俾臣懸掛中堂觸目警心不啻

時領

聖訓則仰沐

聖主寵榮永永無既矣統乞

聖恩俞允為此繕摺請

旨謹

奏

覽

同日又

奏為再陳營汛地方事宜仰祈

睿鑒事竊臣於本年三月初十日到任之後凡一應餽
送以及鹽規陋弊等項盡皆嚴行禁革所有臣之

廩祿并親丁名糧除捐給太湖營守糧十分之外尚存親丁守糧七十名以為養廉之資伏查前任

舊有公費糧二百四十分臣已募補九十名現存

守糧

一百五十分未敢一時盡行補足暫留為營

營伍

中數分名糧斷不可少者即整理齊備後募補之中各項公事萬不得已之費俟一切整理齊備之

時

亦當斟酌

日臣即當酌量募補以足兵目之數目下田禾茂

盛雨水霑足現在米價每石九錢至一兩一二錢不等至於盜賊鹽梟嚴飭各營防範緝拏稍已斂

此人

原好

跡沿海營汛尤加謹飭人民均皆樂業再查巡察

江南臣王肅章才守兼優不避豪強實心任事頗

有成效惟是地方遼濶一年之內巡視難周可否

仰懇

聖恩於上江另設一員現任巡察臣王肅章并懇

諭旨令其多任一載專司下江俾得巡歷周遍細加訪

此事候朕詳審裁酌恐不得其人仍屬無益

察將來自必盜息民安於地方大有裨益臣冒昧

奏陳伏乞

聖裁謹

奏

覽

雍正四年九月十三日江南提督臣魏經國謹

奏為恭報秋成分數仰祈

睿鑒事竊臣查上下兩江自春夏以來雨水霑足田禾
暢茂秀發前經具摺

奏明今於八月中旬至九月初五日陰雨連綿江潮

泛漲地勢低窪者不無被淹之處附近則青浦福
泉為甚茲幸於九月初七日至今天氣晴霽水勢
漸消不致成災大約於十分豐收之中畧減二三

勤加訓練時加巡緝此二語必須力行方收實效若不也現在米價亦平地方寧謐臣復嚴飭各協營勤
獎勤懲怠嚴明賞罰徒用言語文檄申飭不能有濟也聖主安愈求安之至意可無厯

聖主宵旰之殷懷為此據實奏

聞伏祈

睿鑒謹

奏

爾此任非尋常可比高其位近歲以來未免年齒稍邁精神不到諸凡不妥協處頗多爾當極力整飭方不負朕之委任也

雍正五年正月二十五日江南提督臣魏經國謹
奏為遵奉

諭旨實力奉行恭繳

硃批統祈

睿鑒事竊臣前奏秋成分數一摺奉到

硃批仰蒙

天語煌煌諄切訓勉益感

聖主寵任之至意臣因江南陰雨之日多飭令各營操
練兵目不必限定日期一遇晴霽即將弓馬鎗牌
等項各演技藝其優者以守拔戰以戰拔馬其更
優者即拔補把總員缺以獎勵之其劣者量與懲

革以振作之伏查江南水汛居多臣標捐造巡船
二十隻令弁目等輪班巡查時加緝訪其蘇松常
鎮各營共設有巡船二百五十隻亦皆檣飭修整
令將備弁兵輪流一體遊巡宵小盜竊雖不能盡
絕較於上年所報案件似覺減少臣決不敢徒託

空言以上負

聖主委任之至意所有奉到

硃批理合恭繳謹

奏

據奏操練兵目劣者量與懲革等語既係劣者嚴加懲革猶嫌已遲何云量與似此仍循湖廣善柔邀譽故智恐爾老顏面難保全矣朕因爾與吳陞操守頗好不過借汝二人以激勵廉隅而已湖廣福建兩省戎政被汝二人自做好人竟廢弛至不可問今若仍以前任為得計復踵而行之則罪殊難逭在爾惟知因循自便以博紳衿地棍之稱頌縱容兵弁以邀寬厚盛德之虛名殊

不思一獲罪於朕無人能解救汝也況汝原隸藩下出身卑賤既沐

聖祖屢次拔擢復蒙朕之委任極宜致身盡命以圖報兩朝知遇之恩若仍移公忠為國之心而徇一己瞻顧之私恐

昭昭在上未必能容如此巧猾存心之人令其全始全終於斯世也當清夜警省盡改從前柔善悞事愆尤秉公破面整飭一番庶幾收之桑榆猶未為晚如云劣者方

量加懲處是何言歟在朕前所奏尚如此朕不見不聞之地又不知作何行為也此後若不痛自悔艾奮勉自新則禍不旋踵噬臍莫及矣

雍正五年三月十五日江南提督臣魏經國謹

奏為欽奉

上諭恭謝

天恩事竊臣前奏遵奉

諭旨實力奉行恭繳

硃批一摺奉到

硃批臣跪讀

聖訓汗流浹背惶懼無地伏思臣至微至賤仰荷

聖祖仁皇帝格外隆恩棄瑕擢用又蒙

聖主疊沛從古未有之

殊恩臣撫心自問毫無報稱夙夜慚悚祇緣臣秉性愚

昧不能仰體

宸衷著實破面整理有曠戎政惟以邀名悞事柔善取

悅於人獲罪已深乃蒙

聖主不即加譴斥

諭旨諄諄臣不勝感懼交并自今以後惟有凜遵

聖諭猛加警省痛改前非勉竭犬馬血誠以期仰報

聖恩於萬一決不敢仍存從前湖廣任內善柔沽譽之

習致負

聖朝知遇之隆恩伏乞

聖主寬宥前愆俾臣力圖後效

恩全始終則臣之世世子孫均沐

皇仁於無既矣為此繕摺恭謝

天恩所有奉到

硃批合并

呈繳謹

奏

能改乃爾之福不改乃爾之禍於人何涉試清夜捫心
內省則是非了然明白矣榮辱由爾自取朕不橫成見

於胃中也。然所謂遷改者在身體力行，非言語章奏及請託吹噓入朕之耳，即可以彌縫掩飾也。勉之慎之。

雍正五年四月十五日江南提督臣魏經國謹

奏為敬陳地方事宜營伍要務仰祈

睿鑒事。竊臣查江南蘇松常三府係江海交匯之區，沙

土易於淤塞，積雨之後，水勢不能宣洩，地處低窪，既知有此水患在前，為何不行奏聞？今定議疏濬淤業已者，每有淹溺之患，欣逢

興工而說此現成語，殊無意味。實為汝愧之不知，汝何聖主惠愛元元。

特簡廷臣來南

顏厚一至於此也朕謂不如不言好

相度水勢疏濬蓄洩旱潦有備其太倉

劉河一帶業經興工每夫給銀五分數萬窮民皆

得養贍之資而浙省杭嘉湖三府之水亦得以暢

流而無虞矣再本年三月以來晴霽之日多閏三

月以來雨暘時若二麥現在登場約有七八分收

成米價每石銀一兩四五錢不等地方寧謐海洋

有汝如此實心奉公之提督致身為國之大臣朕何厘

清晏均可無厘

懷之有聖懷也抑臣更有陳者臣標所有公費守糧一百五十

名留為營中製辦一切應用之物臣於上年到任
後即具摺

奏明今查臣標陸營內步兵盔甲有鏽爛不堪披戴

者將前項銀兩拆造六百頂副亦係營中要務現
好實係要務可謂出格效力矣有此甲冑披戴即營伍

在修整理合一並

不必整飭將弁不必訓練亦何愁盜賊不潛消地方不

奏明伏乞

寧謚耶

皇上睿鑒謹

奏

覽矣

雍正五年六月二十七日江南提督臣魏經國謹

奏為欽奉

上諭恭繳

硃批伏祈

睿鑒事竊臣前奏地方事宜營伍要務一摺奉到

硃批臣敬謹跪讀伏思至微至賤莫有過於臣者而仰

邀

聖朝逾格之隆恩亦莫有過於臣者祇緣質秉庸愚雖
圖報有心而涓埃未效今疊蒙

聖諭彌覺惶懼無地愧悔何及臣惟有凜遵

諭旨殫竭駑駘實心任事操練兵丁約束將弁凡有闕
於地方事務者自當預為奏

聞以仰副

聖主諄諄訓誡之至意所有奉到

硃批理合

呈繳伏乞

睿鑒謹

奏

不教而加之罪朕所不忍能改與否禍福攸關在汝自為朕亦難強之使然今既奏稱愧悔希朕見信若不實實改過遷善徒然捨本逐末欲望有以惑朕耳目不特魏經國無此伎倆恐天下臣工皆未必能也條奏一摺留中廷臣議覆後酌定

雍正五年九月十三日江南提督臣魏經國謹

奏為恭繳

硃批敬陳愚悃伏祈

恩鑒事竊臣前奏欽奉

上諭恭繳

硃批一摺奉到

硃批諭旨伏念

聖主御極以來

宵旰憂勤

綸音渙發四海臣民莫不爭自濯磨仰邀

福澤即衰庸如臣猶屢蒙

聖主格外加

恩諄切訓誨臣敢不夙夜兢惕改過自新實力遵行以

仰副

聖主成全始終之至意臣惟有益竭愚誠約束將弁操練兵丁整飭營伍不敢稍有瞻徇不敢稍存私臆

以仰副

聖主隆恩於萬一耳所有奉到

硃批理合恭繳謹

奏

朕經各處訪詢有奏汝較前稍改亦知說屬員不是矣
又有奏汝習慣成性錮疾難除何能改易云云等語果
若此是乃下愚不移之流朕豈肯成全如此負恩悖理
老姦巨猾敗壞國家法紀之人乎若仍然自以為是怙

終不悛禍不旋踵矣朕一番高厚之恩付之流水殊屬可惜

同日又

奏為敬陳一得之愚仰祈

睿鑒裁奪事竊惟

國家武備與文事並重設專閫而統率將士歲行春秋二操原以申明步伐止齊之法簡軍實而揚武畧毋容怠忽廢弛者也查江南營路繁多水陸交

錯將弁賢不肖不等其於春秋操期保無玩視功
令者即上司事後查叅而營伍已經頽敝臣愚謂
與其察叅於事後不如督飭於事前臣欽奉

敕書內開會同總督巡撫選擇武官內能幹者查點兵
馬等語臣謹擬設委員循環察勘之法每歲春操
屆期令左邊鄰營挨次按勘右邊鄰營至秋操屆
期令右邊鄰營挨次按勘左邊鄰營察其額兵虛
實馬匹肥瘦技藝生熟陣勢如法與否軍需完整

殘缺與否并察水師兵船水務練達駕駛熟便與否事畢據實詳報上司如有廢弛營分聽候

題叅議處再於兩操事竣秋末冬初時會同督臣公選能幹將領數員分定幾營令其前往覆勘如有廢弛營分係按勘之員匿報在先者即將按勘之員同本營之員一并

題叅倘覆勘之員或扶同隱庇經督提親勘察出訪聞有據亦一例

題叅如此按歲舉行循環督飭於前處分嚴懲於後
將見操練不期勤而自勤軍容不期整而自整矣
臣不揣衰愚謬陳芻蕘可否採擇伏乞

皇上睿鑒裁奪施行謹

奏

此議仍屬虛文毫無益於實際從來有治人無治法任
爾將左右鄰營調察即使闔營互換人人咸知提督係
邀名沽譽徇情罔上樂為鄉愿之人縱千方百計擬議

孰肯出頭代爾任怨耶自為大帥尚不恤欺君悞職而望屬員至誠待己無是情理身為大臣受封疆重寄尚不肯為國家任怨而望偏裨末弁秉公持正更無是情理但能令屬員兵丁僉謂爾是一鐵面無私忠正執法之提督只知有國而不知有家有罪必罰有犯必懲今秉閫外之節鉞將來朝廷之柱石人人皆如此深信不疑不俟春秋操練保爾各營整齊嚴肅也凡事當務拔本塞源似此逐末之論何濟於事而況徒託空言未必

實行此等妄奏安能聳朕觀聽前數次諭旨甚明在爾
審擇而自處耳

同日又

奏為時屆秋成據實陳明伏乞

睿鑒事竊臣查蘇松常鎮淮揚各府所屬州縣田禾秀
實現在漸次登場約有八九分收成米價每石一
兩一二錢自江寧以上各地方收穫約有七八分
不等人民俱皆樂業惟六安無為壽州舒城霍山

宿松桐城霍邱潁上沛縣等州縣七月內有因風
雨連綿有因蛟水陡發低窪之處俱被淹溺臣據
各營呈報前來星即咨會督撫諸臣速為拯恤不
致失所外臣復檄飭各協營嚴加防禦俾城池倉
庫等項勿致疎虞在案至於沿邊海洋臣飭各營
將弁按季輪巡甚為寧謐所有地方情形理合據
實奏

聞謹

奏

一身責任尚不能抒忠盡職斯乃督撫及地方有司之事何必多此一番越俎耶加意拯恤之咨會仍不過沽譽之為假使劣紳惡衿干犯法紀寧肯代督撫懲治乎觀此二諭而不驚愧悔艾似非人類也

雍正七年七月初十日署理直隸古北口提督印務都統降二級調用臣魏經國謹

奏為奏

聞事雍正七年七月初九日據河屯營守備王瓚呈據
虎什哈把總于彥報稱本年六月十七日巳時大
雨至十八日未時止虎什哈西白旗地方山水陡
發衝去房屋三十六間小廟三座人民男婦十三
名口旗人一名又廟子溝衝去房屋十間淹沒本
處旗人一名拏聶溝衝去房屋二十一間等情又
據三旗砍楊木板千總朱熈并壯丁等呈稱六月
十七八等日大雨水發共衝去苗地三十二頃八

十畝又據拏聶溝法爾馬公莊頭戴瑞呈稱衝去
本莊苗地十七頃八十畝又據莊頭李天培呈稱
衝去潮河川三道河官苗地一頃各等情由該備
呈報前來所有口外被水情形理合具摺奏

聞伏乞

皇上睿鑒謹

奏

知道了衝去人口房地或止於此數抑或猶有遺漏當

確查詳報不可絲毫隱飾

雍正七年七月二十一日署理直隸古北口提督

印務都統降二級調用臣魏經國謹

奏為恭摺

硃批奏摺事雍正七年七月十四日據臣標齋摺把總

恭捧

硃批奏摺回口臣跪迎至署望

闕叩頭祇領開閱遵查口外地方前因連陰積雨山水

驟發以致虎什哈等處有淹沒人口田舍之事其餘地方雖經驟雨並無水患田禾俱皆暢茂臣受恩深重事無鉅細惟有謹遵

聖諭不敢絲毫隱飾用以少酬

高厚於萬一耳所有奉到

硃批奏摺理合恭繳謹

奏

知道了

所奏調撥營弁一摺交部議矣

雍正七年閏七月二十六日署理直隸古北口提督印務都統降二級調用臣魏經國謹

奏為剔除營債盤利之弊以廣

皇仁以紓兵累事竊查營兵食用除支領餉銀之外別無生計遇有窮乏難免借貸向有射利之舖戶豪民結交隊目廣放營債每兩利銀五分以至加一或折扣不等兵丁迫於燃眉甘受其毒及至關餉

之日本利盤算扣還無餘只得又向隊目轉懇再
三仍行折借照前起利如此經年累季債主獲利
數倍而兵丁實貽累無窮若不設法剔除營伍終
無起色臣愚以為廣放營債之徒從前久獲重利
俱屬違禁所取但念舊習相沿不便概行追究似
應通飭嚴禁令其停止利銀止許陸續歸本定於
三年內清還姑免其違禁取利之罪如此明白禁
約庶民無虧本兵有餘貲均頌

皇仁於億萬斯年矣是否可行伏乞

皇上睿鑒施行謹

奏

所奏甚是朕早有此意未經降旨候旨遵行可也凡如此等之奏不加慎密擅自宣露於外仍蹈沽名故轍則汝身命恐難保也

雍正七年八月初四日署理直隸古北口提督印

務都統降二級調用臣魏經國謹

奏為奏

聞事竊照古北提標兵丁荷蒙

皇上天恩賞庫銀六千兩令臣委員經理營運生息以濟各兵喜喪等事酌量賞給之用業將領到庫銀并各兵感激緣由據情

題謝在案查古北地處邊隘非比衝衢繁庶之區廣有營運之法臣悉心籌畫惟有開設典當可以永久生息今擇於古北城外河西開設當舖一處招

殷實舖民二人經營猶恐六千兩一時不能運出
以致閒放無益止領去銀四千兩於八月初三日
開張照例以三分行息其餘銀二千兩暫存中軍
署內擬於秋收後糧食輻輳之時先儘兵民糴用
然後陸續零收囤積於來歲青黃不接之時即按
市價量為減糶以便兵民以資生息俟典當通行
之日仍將此二千兩併入舖內營運飭令該中軍
每月親身盤查臣亦不時稽察務使均沾實惠本

利無虧民不擾而兵有益以仰副我

皇上推恩博濟之至意為此繕摺奏

聞謹

奏

如此營運可以永久濟兵料理甚好

雍正八年四月十四日署理直隸古北口提督印
務都統降二級調用臣魏經國謹

奏為恭報雨澤事竊查古北口及石匣地方於四月

十三日天降霖雨入地三寸隨差查口外熱河一帶地方亦同日得雨入地三寸其曹家路虎什哈二處同日大雨田疇霑足理合繕摺恭

奏以慰


聖懷俟各處得雨霑足再當奏

聞謹

奏

覽得雨情形深慰朕懷但不可絲毫增加涉於粉飾一

一據實奏報方足取信



硃批諭旨卷一百十一